





» He aha 'o Papahānaumokuākea?

'O ke Kiaho'omana'o Kai Aupuni 'o Papahānaumokuākea kahi nui loa i ho'omalū palekana piha 'ia ma lalo o ka hae 'Amelika, a 'o ia nō ho'i kekahi o nā mea nui loa o ke ao. He 582,578 ona mile kua o ka Moana Pākīpika (1,508,870 kilomika kua) -- i 'ane'ane e like ka nui me ko ke Kai Kū'ono o Mekiko. He 1,350 mile ka loa o nā moku 'āko'ako'a, nā mauna kai, nā āhua papakū, a me nā hāpapa, pau pū me kekahi o nā 'āpapa ola ehuehu launa 'ole o ka honua nei. Aia pū i laila ke kaiaola loliō o nā 'āko'ako'a like 'ole he nui, nā i'a, nā manu, nā māmela kai, a me nā meakanu a holoholona 'ē a'e he nui a lehulehu no Hawai'i nei wale nō kekahi o lākou. Aia nō ho'i i Papahānaumokuākea nā kumuwaiwai mō'aukala like 'ole o ka wā ma hope o ka hiki 'ana mai o ka haole, e like me nā kumuwaiwai pili i ka Paio ma Pihemanu o ke Kaua Honua 'Elua a me ka 'oihana 'ō koholā. He wahi la'a loa nō ho'i 'o Papahānaumokuākea i nā 'oiwi Hawai'i.




» Hale Koehnen Kaulana

Ua kūkulu 'ia ka hale Koehnen kaulana i ka MH 1910, 'o ia kekahi o nā hale kama'āina loa o Hilo kaona. Ua nani kamaha'o 'o loko i ka papahale lā'au 'ōiwi, ka molina hiehie, a me ke alapi'i i hakulau 'ia e ke kanaka pāheona ho'okahi i hakulau i ke alapi'i nui hanohano o ka moku *Titanic*.



Po'alu a hiki i ka Po'aono • 9:00am - 4:00pm
Pa'a ma nā Lānui Pekelala

76 Alanui Kamehameha
Hilo, Hawai'i 96720
Kelepona (808) 933-8180



www.papahanaumokuakea.gov/education/center.html

KIKOWAENA KAUNĀNĀ 'O MOKUPĀPAPA

no ko Hawai'i mau 'āpapa 'āko'ako'a kū ka'awale



Nā hoa ho'okele o Papahānaumokuākea:



Kiaho'omana'o Kai Aupuni 'o
PAPAHĀNAUMOKUĀKEA



National
Marine Sanctuary
Foundation



» Kikowaena Kaunānā 'o Mokupāpapa

Ua ho'okumu 'ia ke Kikowaena Kaunānā 'o Mokupāpapa i Hilo no ka wehewehe 'ana i ke ao kūlohelohe, ka mo'omeheu, a me ka mō'aukala o Papahānaumokuākea, a ho ka hō'ike 'ana i ko ke ao no kēia wahi kupanaha kū ka'awale loa. 'O "Moku" 'o ia nā moku li'ili'i, a 'o "pāpapa" 'o ia nā 'āpapa pāha'ana'a. 'O ke Kikowaena Kaunānā ka puka e komo ai i ke Kiahō'omana'o e a'o ai no nā mokupuni a me nā moku kua'au māmao ma ke komohana 'akau he 'ekolu hapa'hā ia o ka Pae 'Āina 'o Hawai'i nei. 'Ane'ane e pihā 20 makahiki, he wahi ho'ona'auao kōiaulu ke Kikowaena Kaunānā. 'Oiai 'a'ole e māka'ika'i kino aku ka hapanui o ka po'e i Papahānaumokuākea, na Ke Kikowaena Kaunānā e ho'olauna aku i ka po'e i ulu hou a'e ka 'ike no ia wahi me kona mau nīnūnē maluō kai.



» Makahi'o

'O ke Kikowaena Kaunānā 'o Mokupāpapa ko Hawai'i hale po'okela launa 'ole ma ka ho'ona'auao a wehewehe 'ana i ko ke ao no Papahānaumokuākea.

He 20,000 kapua'i kua o ia hale nona ka nānaina kāhelehela o ka loa o ke Kai Kū'ono 'o Kūhiō a me ke kapakai e puni ana. Ua unuhi 'ia nā mea hō'ike'ike a pau ma nā 'ōlelo kūhelu o Hawai'i, ma ka Hawai'i a me ka Pelekānia. Kālele ka hale i nā mea hō'ike'ike, pāheona, a me nā hana, pau pū me:

- Ke ki'i pena nui e kū hō'ailona ana no ke Kumulipo he mele ho'okumu honua kahiko
- Ka pahu he 3,500 ona kālani wai kai kahi e ola nei nā i'a 'āpapa laha 'ole no Papahānaumokuākea
- He palapala'aina paia o ka Pae 'Āina 'o Hawai'i me nā kauno'o kūka'ipā 'iPapa
- He pāheona na nā mea pāheona Hawai'i hanohano a he mau ki'i na nā mea pa'i ki'i kaulana
- Nā hō'ike'ike kūka'ipā he nui wale e pāku'i kūmaumau 'ia nei nā hi'ohi'ona hou



» Nā Hō'ike'ike

- Ka hana keaka kaiapuni kūka'ipā
- Ka 'ilioholoikauaua ma ka lipine wikiō Crittercam
- Ka 'Ōpala Kai
- Ka lopako 'ohi'ohi 'ikepili 'o He'e Nalu
- Ka Hulikoehana Kai 'o Nalowale i ka 'Āpapa
- Ka huaka'i holo wa'a kūka'ipā

» Komo i ka Hana Nanea

- Kahi e a'o a makahi'o ai nā keiki
- Nā huaka'i māka'ika'i, nā hana, a me nā papahana na nā hui kula a kaiaulu
- Ka Pūka'ina Ha'i'ōlelo Ahiahi Po'ahā 'Ekolu
- Nā lumi hālāwai a ho'olimalima no nā hanana kūikawā

